

宋

會

要

宋會要選試

孝宗淳熙元年六月二十二日四川類試詔成都府路  
轉運判官趙不愚監試權發遣成都府路提刑李夔考  
試知嘉州何耕別試所監試知利州崔淵別試所考試  
八月五日國子監發解命監察御史陳升卿監試國  
子司業兼權禮部侍郎戴幾先戶部員外周敦將作少  
監兼權禮部郎官姚宗之考試刑部郎中徐宅太常博  
士許詹舒祕書省著作佐郎鄭僑太學博士章謙國子  
正衣說友權監左藏東庫錢宇並點檢試卷宗正少卿  
顏度別試所考試太府寺丞元伯源太學錄事鈔並檢  
試卷淳熙三年二月二十五日銓試公試類試命監

察御史齊慶胄監試吏部員外郎王達禮部員外郎范  
端臣軍器少監俞子陵考試大理寺丞商份樞密院編  
修官袁說友太學博士劉甄夫大理評事王尚之周琰  
國子監主簿柯宋英秘書省正字何澹諸王宮大小學  
教授宋宜之考核點檢試卷四年二月二十五日銓  
試公試類試命監察御史傅琪監試國子司業鄭伯熊  
大理少卿吳交如著作郎何萬考試知大宗正丞劉溥  
太常博士章謙大理正燕世良大理丞梁總陳倚太學  
博士蘇總龜秘書省校書郎黃定大理司直徐存考校  
點檢試卷是歲四川類試命潼川府路提點刑獄公  
事何耕監試知漢州杜氏表考試知利州黃鉤別試所

監試知嘉州王亢考試 八月五日國子監發解命監  
察御史徐調監試尚書考功員外郎施師點尚書禮部  
員外郎范端臣太常丞黃洽考試詳定一司敕令所刪  
定官棲鑰諸王宮大小學教授喻良能祕書省校書郎  
石起宗何澹國子監主簿王維之國子正高文虎點檢  
試卷別院尚書戶部員外郎邱室考試樞密院編脩官  
葛郊太常寺主簿李岷主管戶部架閣文字田渭並點  
檢試卷 淳熙六年二月二十五日銓試公試類試命  
監察御史余端禮監試將作監潘緯尚書戶部郎官何  
耕刑部郎官潘景珪考試將作監丞吳天驥大理正王  
尚之大理寺丞張維大理評事錢莖祕書省校書郎唐

駸祕書省正字趙彥中籍田令葉子強迪功郎向楫考  
校點檢試卷 七年二月二十五日銓試公試類試命  
監察御史京鏗監試戶部郎官陳居仁刑部郎中潘景  
珪將作少監王信考試樞密院編脩官汪義端大理正  
時佐大理寺丞杜戰祕書省校書郎趙彥中太常博士  
宋之瑞太常寺主簿宋若水大理評事宋作賓主管刑  
工部架閣文字樊抑考校點檢試卷 八月五日國子  
發解命監察御史余端禮監試軍器監王信戶部郎中  
陳居仁祕書丞袁樞考試祕書省祕書郎何澹太常博  
士宋之瑞軍器監丞葉子強將作監主簿王謙幹辦行  
在諸司審計司李舜臣幹辦行在諸軍審計司張伯城

點檢試卷秘書省秘書郎范仲藝別院考試太宗正丞  
將繼周主管架閣文字李祥點檢試卷九年十二月  
二十五日銓試公試類試命監察御史顏師魯監試將  
作少監朱時敏左司郎官王信刑部郎官吳宗旦考試  
宗正丞樓鑰秘書丞蔣繼周太宗正丞郎明復大理寺  
丞杜穀大理評事真柄王資之初令所刪定官徐珣大  
理司直趙焯考校點檢試卷十年二月二十五日銓  
試公試類試命監察御史陳賁監試將作少監蔣繼周  
軍器少監陳倚考功郎官章森考試宗正丞張叔椿祕  
書省祕書郎劉先祖大理正俞激大理寺丞錢蒙大理  
評事沈樞祕書省正字羅點太學博士黃文太學正章

補考校點檢試卷 八月五日國子監發解命監察御史陳賁監試祕書少監沈揆大理少卿章森司農少卿施溫舒考試太學丞劉穎宗正丞張叔椿祕書丞宋若水著作郎李猷司農寺丞方有開國子錄趙焯照檢試卷將作監蔣繼周別院考試祕書郎何濬太府寺丞勾昌泰樞密院編脩官李嘉言並點檢試卷十一年二月二十七日四川類試命夔州路提刑楊槩監試知榮州鈐蓋考試 六月十一日銓試命吏部郎官尤袤刑部郎官陳倚並考試祕書省校書郎羅點大理評事范澄錢宇王訢並考校點檢試卷 十二年二月二十五日銓試公試類試命監察御史謝錡監試右司郎中周頤

刑部郎官陳倚吏部員外郎楊萬里並考試祕書省校書郎莫叔光倪思大理寺丞沈樞國子博士喻良能勅令所刪定官黃渙太學錄張體仁大理評事許岱陳杞並考校點檢試卷十三年二月二十五日銓試公試類試命監察御史冷世光監試大府少卿胡晉臣考功員外郎鄭汝諧刑部郎中陳倚並考試祕書省著作郎兼權金部郎官黃倫著作佐郎兼權兵部郎官梁汝永大理寺丞謝深甫祕書省校書郎鄧昞國子監主簿黃黼大理評事錢宇李洪李直柔並考校點檢試卷七月十八日四川類試命直徽猷閣知遂寧府徐誦監試權發遣利州路提刑張頌考試八月十五日國子監



十  
五  
前  
十  
四  
條  
移

發解命監察御史吳博古監試宗正少卿張叔椿試將  
作監京銓並考試祕書<sup>省</sup>著作郎魚權金部郎官黃倫  
祕書郎倪思莫叔光詳定一司敕令所刪定官劉崇之  
太常寺主簿林湜並點檢試卷十四日詔國子監發  
解所監試官措置將合避親試卷盡送無親嫌官盡公  
考校其有避親嫌之官亦不許干與出題仍委監試官  
專一覺察于考校日不得往來因臣僚奏請得旨行下  
十五年二月二十五日銓試公試類試命監察御史  
黃謙監試右司郎中范仲藝大理少卿陳倚戶部員外  
郎羅點並考試太府寺丞范處義大理寺丞周玘將作  
監丞鄭湜祕書省正字衛涇大理寺主簿邵驥敕令所

刪定官陳謙大理評事龍準陳榛並考校點檢試卷

十六年二月二十五日銓試公試類試命監察御史黃

謙監試軍器監劉立義刑部員外郎俞滋祕書省著作

郎莫叔光考試大理寺丞李洪太府寺丞范處義樞密

院編脩官馮震武國子監丞沈清臣祕書省正字李寅

仲黃由太常寺主簿林湜大理評事宋思遠李珏武學

博士蔡鎬考校是年七月十日兵部言今來武舉係

是比試發解年分從條先于侍衛馬軍司呈試弓馬其

程文係附國子監發解試院合差本部長貳同馬軍司

監試武舉人比試發解弓馬兩場詔差本部侍郎胡晉

臣等與三年差工部侍郎謝深甫八月五日國子監發

解命監察御史計衡監試宗正少卿耿東吏部員外郎  
趙單考試司農寺丞孫達吉樞密院編脩官李沐祕書  
省祕書郎黃由宗正寺主簿鄭公顯祕書省正字吳鑑  
點檢試卷 紹熙二年二月二十五日銓試公試類試  
命監察御史郭德麟監試吏部員外郎彭椿年大理正  
李洪祕書省著作佐郎衛涇考試大理寺丞陳棣太府  
寺丞鄭公顯大理評事宋思遠王補之祕書省正字王  
容李璧太常寺主簿黃灝宗正寺主簿陳損之司農寺  
主簿鄭若谷武學諭李興時考校 三年二月二十五  
日銓試公試類試命石正言胡瑒監試吏部員外郎陳  
傳民大理寺丞李直祕書郎李唐卿考試問門舍人

蔣介太常博士章穎大理評事李珏陳杞沈宗淵祕書  
省正字王夔蔡幼學宗正寺主簿俞豐大理寺主簿呂  
棐太府寺主簿彭寅考校 八月五日國子監發解命  
監察御史何異<sub>監</sub>試樞密院檢詳諸房文字李祥吏部  
員外郎徐誼度支員外郎王厚之考試司農寺丞曾炎  
太常博士陳棟太常寺主簿許介將作監主簿李大異  
提轄文思院林復主管吏部架閣文字陳希<sub>監</sub>點檢  
試卷 五年二月二十五日銓試公試類試命監察御  
史曹三復監試太常少卿唐體仁祕書少監孫達吉刑  
部員外郎沈作賓考試閤門舍人林嶠大理寺丞周祕  
太府寺丞劉崇之樞密院編脩官楊方大理評事榮籍

奚士遜將作監丞高文虎祕書省正字顏棫太常寺主簿張貴謨太學博士田澹考校 慶元元年二月五日宰執進呈國子監發解所監試官合差監察御史今有二員上曰當以供職在先者為之于是差王恬 十月二十五日銓試公試類試命監察御史劉德秀監試司農卿林澂度支郎官石宗昭刑部郎中周琬考試著作郎兼侍左郎官王容太府寺丞兼左曹郎官王寧祕書丞邵康大理寺丞陳景俊祕書省正字陳邕宗正寺主簿徐木太常博士劉誠之大理評事蔣臈郊袁閏門舍人黃履能考校 八月五日國子監發解命監察御史王裕監試軍器少監高文虎祕書郎兼司封郎官顏棫

考試著作佐郎李璧秘書省校書郎余復國子監丞孟  
浩秘書省正字陳峴司農寺主簿胡紘點檢試卷 三  
年二月二十五日銓試公試類試命監察御史張伯瑛  
監試大理卿周琬右司郎中張奎樞密院檢詳諸房文  
字黃唐考試秘書丞張暎大理寺丞奚士遜秘書郎費  
士寅太常博士汪義和大理評事邵袞蔣簡秘書省正  
字易祓宗正寺主簿楊寅太學博士王炎武學諭厲仲  
詳考校 是日銓試公試類試命監察御史林行可監  
試著作郎兼考功郎官張嗣古著作郎莫子純大理正  
郝師成考試閤門舍人林伯成太府寺丞葉宗魯秘書  
郎楊炳周夢祥樞密院編脩官楊璠秘書省校書郎曾

從龍太常寺主簿葉時大理評事葉正綱費垠沈繹考  
校八月五日國子<sup>監</sup>發解命監察御史程松監試右  
司郎中張伯<sup>清</sup>堦軍器監丁逢著作佐郎曾漸考試秘書  
郎王炎太常寺<sup>主簿</sup>必先秘書省正字李皇主管官告院徐  
似道幹辦諸軍糧料院許兵點檢試卷避親別試太府  
寺丞陳謙考試主管官告院程準主管吏部架閣文字  
張嗣古主管戶部架閣文字陳晦點檢試卷四年二  
月二十五日銓試公試類試命監察御史張巖監試吏  
部郎中汪義和戶部郎中曹炎刑部郎中許<sup>岳</sup>考試大  
宗正丞王執中大理正宋思遠閤門舍人金湯楫大理  
寺丞黃培司農寺丞陳希點秘書郎王炎曾漸樞密院

編脩官李景和商飛卿大理評事薛極考核 是日銓  
試公試類試命監察御史林可行監試秘書監俞烈尚  
右郎官毛憲大理正史彰祖考試問門舍人周虎大理  
寺丞葉挺秘書郎黃中軍器監丞鐘將之秘書郎校書  
郎徐邦憲大理評事沈繹葉子高鮑澣之軍器監主簿  
留駿監尚書六部門方味考核 八月五日國子監發  
解命監察御史姜機監試左司郎官雷孝友樞密院檢  
詳諸房文字毛憲秘書丞兼考功郎官黃景說考試太  
常博士葉時著作佐郎鄒應龍曾從龍秘書省校書郎  
朱甫秘書省正字蘇大璋太常寺主簿鄭肇之軍器監  
主簿范子長點檢試卷避親別試禮部員外郎鍾必萬



考試太府寺丞王庭芝司農寺主簿莫若冲主管吏部  
架閣文字章良肱點檢試卷 六年二月二十五日銓

試公試類試命監察御史林采監試太常少卿虞壽刑  
部員外郎王資之著作佐郎易祓考試閤門舍人林可  
大樞密院編脩官章良能王輝大理評事翁濟向公擇  
秘書省正字鄒應龍張嗣古大理寺主簿李揆大理評  
事沈紡主管刑工部架閣文字周夢祥考校 嘉泰元  
年二月二十五日銓試公試類試命監察御史施康年  
監試太常少卿曾煥大宗正丞李直柔秘書丞鍾必萬  
考試太常丞胡恭司農寺<sub>丞</sub>聶有太常博士陸峻秘書  
省校書郎鄒應龍太常寺主簿王柟司農寺主簿譙全

憲武學博士林管大理評事李曼卿鮑華連文瑜考校

八月五日國子監發解命監察御史鄧友龍監試軍

器監林楠吏部郎中李景和度支郎中宇文紹節考試

秘書丞鍾必萬大理寺丞胡元衡太府寺丞王輝趙夢

極秘書省校書郎莫子純大理寺主簿張訴點檢試卷

避親別試秘書省校書郎張嗣古考試主管吏部架閣

文字顧杞主管戶部架閣文字黃纁國子監書庫官高

文嘉點檢試卷三年十一月二十七日吏部侍郎曾

煥言本選小試官每歲仲春赴馬軍司呈試立法非不

詳密玩習既久詐冒居多伏見文臣銓闈既差考官復

以御試監試拆號並謂考官為皆不足信蓋欲重其事

今之呈試軍帥之外止就委本選郎官視之既輕毋怪  
乎為弊之易乞略倣銓闈之法自來春始更選委請強  
官一員以臨之前期三日而差使與郎官共議所以革  
弊之宜嚴為周防以叶于公從之 開禧二年二月二  
十五日銓試公試類試命監察御史毛憲監試太常少  
卿兼中書舍人衛涇刑部郎中奚士遜著作郎兼兵部  
郎官曾漸考試宗正丞兼司封郎官田駸閤門舍人潘  
特美太府寺丞胡~~榮~~<sup>榮</sup>秘書郎胡有開王介國子監丞林  
孔昭秘書省正字傅行簡大理評事史淵葉子高林大  
章考校 三年二月二十五日銓試公試類試命監察  
御史葉時~~榮~~<sup>榮</sup>試司封郎中王公邁工部員外郎史彰祖

宗正丞兼侍右郎官喬夢符考試大宗正丞兼刑部郎  
官周震閤門舍人陳良彪太府寺丞章升之秘書郎莊  
夏國子監丞曹莊秘書省正字陳模大理司直王益之  
大理評事翁濤趙時適沈寔考校 八月五日國子監  
發解命監察御史黃疇若監試秘書丞兼司封郎官林  
岳著作郎兼考功郎官王居安秘書郎莊夏考試秘書  
省正字陳模太常寺主簿任希夷監登聞鼓院梁文恭  
監都進奏院黃榮主管官告院劉允濟范之柔將作監  
主簿方祈熙檢試卷避親別試樞密院編修官何刻考  
試主管吏部架閣文字林瑒主管戶部架閣文字李琪  
監權貨務都茶場丁端祖熙檢試卷 嘉定元年正月

二月

五日命吏部尚書兼翰林院學士樓鑰知貢舉兵

部尚書倪思中書舍人蔡幼學右諫議大夫葉時同知

貢舉左司員外郎曾從龍吏部郎中王柟度支郎中商

許裡部員外郎陳晦太常丞曹莊秘書郎章良肱樞密

院編脩官劉庶何則著作佐郎莊貞泰詳秘書省正字

陳模林至主管官告院劉允濟章徠幹辦諸司糧料院

耿羽太學博士潘涓真德秀武學博士滕强恕武學諭

陳剛主管吏部架閣文字林瑒主管戶部架閣文字李

琪主管刑工部架閣文字黃以寧國子監書庫官孫初

監三省樞密院激賞酒庫蔣惟晚浙西安撫司幹辦公

事爲行簡廣西轉運司幹辦公事柴中行贍軍酒庫所

羅場門樓昉臨安府府學教授胡林卿前紹興府觀察  
推官孔煒前福建安撫司幹辦公事李誠之前漳州州  
學教授林復之前泰州海陵縣丞許文蔚點檢試卷避  
親別試監察御史章燮監試侍左郎官王介考試秘書  
省校書郎陸峻秘書省正字陳舜申太學博士王益之  
監膳軍激賞酒庫史彌誼點檢試卷 二年二月二十  
五日銓試公試類試命監察御史范之柔監試太常丞  
兼考功郎官袁燮樞密院編脩官兼禮部郎官陳武刑  
部郎中邵袁考試閤門舍人熊武秘書郎陳舜申秘書  
省校書郎林至傳行簡真德秀諸王宮大小學教授秦  
榛宗正寺主簿陳振大理評事孫涇樓澄陳有容考校

三年二月二十五日銓試公試類試命監察御史徐  
宏監試著作郎兼戶部郎官何剡著作佐郎兼考功郎  
官滕強恕大理寺丞沈緋考試閣門舍人方公輔太府  
寺丞鄭昉秘書郎傳行簡諸王宮大小學教授林瑒秘  
書省正字陳貴兼司農寺主簿林復之大理評事王洪  
之許震謝遼主管禮兵部架閣文字姚師皋考校 八  
月五日國子監發解命監察御史鄭昭先監試吏部員  
外郎錢文子著作郎兼戶部郎官何剡秘書郎真德秀  
考試太常博士李道傳諸王宮大小學教授林瑒秘書  
省校書郎楊汝明秘書省正字喬行簡司農寺主簿林  
復之監都進奏院徐自明幹辦諸軍糧料院周之瑞點

檢試卷避親別試軍器少監魚禮部郎官陳武考試監  
尚書六部門楊宜中太社令陳貴誼主管戶部架閣文  
字蔡闕點檢試卷四年正月二十四日命吏部侍郎  
汪遼知貢舉吏部侍郎劉棨禮部侍郎曾從龍左司諫  
范之柔同知貢舉詹事部郎中張斗南秘書丞兼尚佐郎  
官端祖大理寺丞程卓司農寺丞趙汝諧太府寺丞林  
復之秘書郎薛紱太常博士李道傳著作佐郎趙崇憲  
叅詳太常寺主簿陳璧監登聞檢院陳卓監都進奏院  
程遇孫幹辦諸司糧料院應武石宗萬武學博士金式  
太社令劉靖之國子監主簿俞建國子正張方武學諭  
陳貴誼太學錄丁煇提轄榷貨務都茶場朱端常主管



禮兵部架閣文字黃伯剛國子監書庫官葉泰監雜買  
務雜賣場門羅仲舒前<sup>新</sup>應州通判應元袞前無為軍學  
教授陳殊兩浙轉運司幹辦公事許儀前太平州州學  
教授王同前潭州善化縣令謝伯常點檢試卷避親別  
試監察御試徐宏監試軍器少監陳武考試秘書省正  
字喬行簡監登聞鼓院董居誼幹辦諸司審計司商逸  
卿太學博士林垌點檢試卷 五年二月二十五日銓  
試公試類試命監察御史金武監試軍器監余噪工部  
郎中徐應龍大理寺丞趙時邁考試閤門舍人潘持美  
秘書郎陳貴謙太常博士劉靖之秘書省校書郎林垌  
宣繒大理評事林大章江模任永年幹辦諸司審詳司

康仲穎主管吏部架閣文字薛舜俞考校 六年二月  
二十五日銓試公試類試命監察御史黃序監試將作  
少監仕希夷著作郎兼考功郎官李道傳大理寺丞林  
大章考試閣門舍人周師範將作監丞陳貴誼諸王宮  
大小學教授林士衡大理評事徐璫王洪之趙善璫太  
常寺主簿葉綦主管吏部架閣文字陳伯震主管戶部  
架閣文字張處主管禮兵部架閣文字陳殊考校 八  
月五日國子監發解命監察御史倪千里監試宗正少  
卿滕強恕秘書少監李璣秘書丞兼右司鼎子述考試  
大理寺丞應元袞樞密院編脩官葛洪太常寺主簿葉  
泰武學諭危積主管吏部架閣文字陳伯震主管戶部

架閣文字張處主管刑工部架閣文字林椅點檢試卷  
避親別試太常博士林士衡考試太學錄孫德興主管  
禮兵部架閣文字陳殊國子監書庫官方灼點檢試卷

七年正月二十四日命刑部尚書曾從龍知貢舉禮  
部侍郎范之柔左諫議大夫鄭昭先刑部侍郎劉禔同  
知貢舉吏部郎中黃宜軍器少監劉靖之宗正丞兼工  
部郎官林夢英著作郎兼侍左郎官楊汝明司農寺丞  
吳格國子監丞蔡闢國子博士曹煥太常寺主簿衣韶  
參詳宗正寺主簿周縣監登聞鼓院任一鷄主管官告  
院吳因監都進奏院楊迪幹辦諸司審計司盛章李楨  
幹辦諸軍糧料院馮令國鄭之悌太學博士陳黼孔燁

太社令方秉哲籍田令趙崇猷國子正張己之提轄文  
思院余鑄通判臨安府孔元忠主管戶部架閣文字楊  
宏中監左藏西庫王仁前知建寧府崇安縣傳雍臨安  
府學教授陳公孟前房州州學教授王淪點檢試卷避  
親別試監察御史黃序監試著作佐郎兼考功郎官康  
仲穎考試將作監丞陳貴誼秘書省校書郎鄭自誠幹  
辦諸司審計司丁黼西浙轉運司幹辦公事何心點檢  
試卷 八年二月二十五日銓試公試類試命監察御  
史李楠監試將作監黃宜著作佐郎曾煥大理寺丞趙  
恩夫考試閣門舍人郁泰諸王宮大小學教授危稹秘  
書省校書郎趙建大秘書省正字葉澄太常寺主簿孔

元忠大理司直臧格大理評事安伯恕趙善璫俞果主  
管戶部架閣文字周勉考核九年二月二十五日銓  
試公試類試命監察御史李楠監試著作佐郎兼尚石  
郎官鄭自誠大理寺丞沈寔秘書省校書郎趙建大考  
試問門舍人潘伯恭軍器監丞陳伯震太常寺主簿盛  
章太府寺主簿丁黼大理評事孫涇朱憲孫叔謹秘書  
省正字葉澄幹辦諸司審計司黃涇主管戶部架閣文  
字桂嵩榮考核八月五日國子監發解命監察御史  
劉崇監試將作監何剡考功郎中丁端祖兵部尚書外郎  
林垌考試太宗正丞施眾秘書省校書郎孫德興趙建  
大太常博士盛章太府寺主簿王仁籍田令方灼國子

監書庫官黃克仁點檢試卷避親別試都官郎中杜孝  
嚴考試國子監丞張處諸王宮大小學教授危稹國子  
博士張己之主管吏部架閣文字徐鳳點檢試卷十  
年正月二十四日命兵部尚書黃疇若知貢舉工部尚  
書任希夷右諫議大夫黃序禮部侍郎兼同知貢舉  
軍器監楊汝明屯田郎官林岳軍器少監丁煊太常丞  
兼兵部郎官孔燁宗正丞兼刑部郎官趙舉天大宗正  
丞兼度支郎官施果著作郎兼司封郎官李鳴鳳大理  
正范擇能叅詳太府寺丞孔元忠秘書郎張處張己之  
監都進奏院徐澄主管官告院趙元儒幹辦諸軍審計  
司王夢龍幹辦諸司糧料院蕭舜咨趙希齊太學博士

陳德豫何應龍方東哲大理評事朱憲國子正王珪武  
學諭樓昉主管吏部架閣文字徐鳳主管戶部架閣文  
字許應龍主管刑工部架閣文字陳公益浙西安撫司  
幹辦公事曾從龍臨安府府學教授黃灝點檢試卷避  
親別試監察御史盛章監試吏部員外郎林圳考試太  
學正桂萬榮監左藏西庫洪彥華主管禮兵部架閣文  
字劉孟虎提領戶部揭賞酒庫幹辦公事陳無損點檢  
試卷 十一年二月二十五日監試公試類試命監察  
御史盛章監試吏部郎中康仲穎著作郎張處大理寺  
丞鄭定考試秘書省校書郎黃桂宗正寺主簿黃涇提  
轄文思院牛斗南太社令陳畏大理評事趙善璫朱憲

葉友主管三省樞密院架閣文字凌次英主管刑工部

架閣文字盧祖皋考試十二年二月二十五日銓試

公試類試命監察御史蔡綱考試考功郎官樓觀度文

郎中朱著刑部郎中胥埏考試閣門舍人陳元龍秘書

省校書郎袁甫吳晞甫監都進奏院王藻籍田令許應

龍大理評事蔣誼史改之郭正己主管三省樞密院架

閣文字林萬考試八月十五日國子監發解命監察

御史徐龜年監試侍右郎中林岳考功郎中樓觀著作

郎危稹考試太府寺丞方灼秘書省正字兼翰林權直

徐鳳秘書省正字盧祖皋籍田令黃灝太社令王夢龍

主管吏部架閣文字楊璘主管禮兵部架閣文字陶宗



監左藏庫中門皇甫暉點檢試卷避親別試秘書郎蕭  
舜咨考試主管戶部架閣文字葛從龍朝奉郎應鑄監  
膳軍南外酒庫胡剛中點檢試卷 十三年正月二十

五日命禮部侍郎宣綰知貢舉右諫議大夫俞應符監  
試禮部侍郎楊汝明起居舍人李安行同知貢舉國子  
司業王栻吏部郎中林岳太常丞兼吏部郎官臧格著作  
郎兼尚左郎官陳德豫司農寺丞馮多福樞密院編脩  
官兼右司方猷著作佐郎何應龍秘書省校書郎兼翰林  
權直徐鳳恭詳國子博士王藻將作監丞李鼎軍器  
監丞李畏秘書省正字盧祖臯宗正寺主簿何剡大理  
寺主簿牛斗南太府寺主簿趙汝伋幹辦諸軍審計司

應鑄太學博士許應龍周瑞朝陳公益太社令宋倚軍  
器監主簿曾亞武學諭陳無損主管戶部架閣文字徐  
範國子監書庫官皇甫暉浙西安撫司幹辦公事林棐  
兩浙轉運司幹辦公事謝興甫臨安府府學教授楊邁  
從事郎潛敷縣檢試卷主管禮兵部架閣文字陶崇主  
管刑工部架閣文字范鍾熙檢考校宗子試卷避親別  
試監察御史張次賢監試吏部員外郎鄭自誠考試武  
學博士劉孟虎太學錄葛從龍主管吏部架閣文字楊  
璘臨安府府學教授周直方點檢試卷十四年二月二  
十五日銓試公試類試命監察御史羅相監試禮部郎  
中曾喚刑部郎中趙懋夫太常丞兼尚左郎官諸葛安

節考試太府寺丞曹璽太府寺主簿盧子章太常寺主簿應鑄國子監主簿李伯監閤門舍人林汝決大理寺丞趙立夫大理評事趙崇暉劉槐主管三省樞密院架閣文字高熙績臨安府府學教授楊邁考校  
十五年四月十七日銓試公試類試命監察御史李伯監試秘書少監鄭伯誠詹部員外郎黃桂刑部郎中沈寔樞密院編脩官兼侍右郎官盧子章考試秘書省校書郎劉改一太社令胡剛中籍田令方淙閤門舍人陳大紀大理評事江模趙崇暉劉槐主管禮兵部架閣文字葉武子臨安府府學教授潛敷監左藏庫都門富暉監車輅院田克恚考校  
八月五日國子監發解命監蔡御

史李伯堅暨試工部郎中秦李煥國子監丞鍾震考試  
監左藏東庫李知新主管戶部架閣文字陳登主管禮  
兵部架閣文字葉武子主管刑工部架閣文字富暉國  
子監書庫官鄭清之點檢試卷 十六年正月二十五  
日命權吏部侍郎程珌知貢舉權刑部侍郎朱著起居  
舍人鄭自誠同知貢舉左司諫李伯堅監試宗正少卿  
方猷大理少卿曹煥直煥章閣樞密副都承旨吳格司  
封郎官魏了翁工部郎中秦李煥將作少監權直學士  
院盧祖臯太府寺丞王克恭秘書郎鍾震宗學博士陳  
公益國子博士葛從龍恭詳將作監丞邱楠秘書省校  
書郎陶崇揚邁秘書省正字方淳太常主簿趙至道宗

正寺主簿馮特卿主管官告院李大<sub>有</sub>陳觀監都進奏院李勲幹辦諸軍審計司李知新太學博士楊璘國子監主簿王與權國子正高熙績太學正李宗勉宗學諭周直方主管戶部架閣文字陳登主管禮兵部架閣文字葉武子主管刑工部架閣文字富暉兩浙轉運司幹辦公事林良顯李劉臨安府府學教授潛敷監車輅院田克恚監草料場門戴相從事郎照畧點檢試卷避親別試監察御史康夢庚監試吏部員外郎黃桂考校諸王宮大小學教授范楷監左藏庫中門衛洙文林郎宋巷繆師皋點檢試卷十七年二月二十五日公試銓試類試命監察御史康夢庚監試著作佐郎鍾震考試

主管戶部架閣文字王伯大主管刑工部架閣文字何  
萬齡臨安府府學教授周儒行監左藏封樁下庫葉麟  
之考校

宋會要 考試

淳熙元年四月二十八日詔乾道七年十月二十三日  
指揮自今考試官並不許差知縣合于舊法內湮文改  
縣丞不得差充考試官為知縣不得差充考試官  
五月九日臣僚言諸路漕司今秋考試官除知縣不  
外其餘並止於見任官選差如或不及舊來所差之數  
則聽那展考校程限不必拘一月開院之例如或其開  
寔有闕少員數過多去處即欲令轉運司申取指揮從  
之 六月九日詔考試刑法官一員于郎官卿監內差  
照檢試卷官三員于在京職事官內差依紹興二年七  
月指揮施行知開州吳宗旦奏試大法官常附銓試故

事差大理少卿或刑部郎官一員充考試正丞評事共  
三員充考核比年以來止差丞一員充考試評事三員  
充考核所出題目語言太繁使人迷惑鋪引錯謬乞自  
今依舊差少卿或郎官一員充考試正丞評事共三員  
充考核但曾任左斷刑官雖在別部他寺監亦乞通差

所出題目限以千字直問法意毋事詭譎故有是命

十二月二十六日詔省試近在旬浹比年試官不以三  
場通融取人至有一言一對偶同其私意遂以為合格  
自今有司須參考三場以較優劣從臣僚請也 三年  
二月九日命翰林學士知制誥兼太子詹事兼侍讀王  
淮知貢舉試給事中胡元質試侍御史范仲芑同知貢



舉尚書右司員外郎王暎吏部郎官王希呂司封員外  
郎鞏湘倉部司外郎江濟軍器少監薛元鼎太常丞傅  
伯壽秘書郎王公衮並叅詳秘書郎吳飛英司農寺丞  
何萬太府寺丞沈揆刪定官曾植國子博士葛邲太府  
寺丞朱繹之太學博士劉溥劉甄夫刪定官石起宗蓋  
經樂備國子監主簿彭椿年國子正胡一之武學諭何  
澹國子錄胡南達大學錄王維之~~知~~江陰軍蔣雖宣教  
郎張駒臨安府府學教授周碩陳易迪功郎鄭錡並點  
檢試卷 六月十一日銓試命將作監徐子寅少監吳  
飛英考試大理丞燕世良商汾大理評事劉敏文考校  
點檢試卷 六月十五日詔自今差充貢院簾內試官

並不得出簾外干預簾外職事如違令本院長官覺察  
具名聞奏重作施行從國子監請也 七月十一日詔  
自今國子生<sup>解</sup>試補試其合避親並別院收試其或避  
親嫌官不得差充別院試官 四年三月二十日詔四  
川類有試今就安撫制置使司置院類試時已罷宣撫  
司故也 六月七日江南西路轉運司言本路諸州軍  
合差試官舊例係五十員計開一十六員乞于本路寄  
居待闕官內曾經試中宏詞及教官或進士殿試第一  
甲省試前十名曾經陞補上舍人內選差一次從之二  
十五日詔今歲科舉淮東西兩路所差試官許于太平  
州池州管內通融選差如所差不足即依淳熙元年五

月九日已降指揮那展考核程限不必拘一月開院之  
例 五年正月九日命禮部尚書范成大知貢舉尚書  
刑部侍郎兼侍講兼給事中程大昌右諫議大夫蕭燧  
同知貢舉太常少卿兼崇政殿說書齊慶冑司農少卿  
戴幾先太府少卿傅淇尚書吏部員外郎兼太子侍讀  
閻蒼舒尚書兵部員外郎何伯謹監察御史滿緯徐誦  
並恭詳宗正丞沈揆大宗正丞劉溥秘書丞來說友大  
理正林元奮太常博士章謙樞密院編脩官宇文作詳  
定一司敕令所刪定官吳天驥秘書省著作佐郎鄭鑑  
諸王宮大小學教授何鹿秘書省校書郎胡晉臣葉山  
宗正寺主簿胡南達大理寺主簿陳資深監登聞檢院

黃閣幹辦行在諸軍需計司吳博古提轄文思院萬鍾  
提轄行在雜買務雜賣場張商卿監行在草料場周文  
擢臨安府學教授高鼎監行在編估打套局門陳義並  
照檢試卷 六月十一日銓試命秘書少監鄭丙金部  
郎官梁總考試秘書省秘書郎葛邲大理正元徽之大  
理評事張維吳師尹考校點檢試卷 七年二月二十  
五日武學公試詔蔡必勝充武學公試考校官宰臣趙  
鼎言必勝係武舉魁首故也 七年四月二十四日江  
西轉運司言今歲科舉本路諸州軍見任出身官共四  
十六員內一十員係六月以前任滿計闕一十九員若  
用淳熙四年體例差寄居待闕內試中教官宏詞省試

上十名殿試第一甲人緣本路昨來所差寄居待闈今  
已赴官事故別無應格之人乞權于本路寄居待闈官  
選差文學優長曾充試官者一次從之 八年正月七  
日命試吏部尚書兼脩玉牒官兼脩國史王希呂知貢  
舉試禮部侍郎鄭丙侍御史黃洽同知貢舉左司郎中  
杜氏表吏部員外郎沈揆刑部員外郎吳宗旦監察御  
史余端禮顏師魯著作郎朱時敏袁樞秘書郎范仲瑩  
並叅詳太常丞汪義端宗正丞王簡樞祕院編脩官李  
嘉謀徐誼刪定官郭明復奚商衡著作郎詹曠李嶽校  
書郎趙彥中熊克揚輔尚書六部監門趙大猷秘書省  
正字劉光祖將作監主簿王謙主管吏部架閣文字吳

天驥主管工部架閣文字樊抑監行在豐儲西食門周  
震來監行在惠民南局徐玠提領戶部犒賞酒庫所幹  
辦公事劉德秀監行在太平惠民北局方有開點檢試  
卷 十一日詔自今省試封彌官依祖宗典故差郎官  
卿監以上在院供給並依恭詳官例臣僚言封彌謄錄  
巡捕官多是差刑部及釐務官既不諳事體又官卑人  
微不敢誰何弊倖多在封彌所至有塗抹試卷漏泄字  
號折換印縫能文者反被其害景祐五年翰林學士丁  
度知舉其封彌官則三司副使姚仲孫殿中侍御史方  
偕也慶厯二年翰林學士聶冠卿知舉其封彌官則龍  
圖閣直學士孫祖德直集賢院田況也慶厯六年翰林

孫抃知舉其封彌官則侍御史仲簡三司判官周陵也  
封彌所差官多清望之官故姦弊亦消于未然近時差  
官既輕吏輩益無忌憚其弊有不可勝言故有是命

六月十一日銓試命吏部郎官詹儀之刑部郎中吳宗  
旦考試祕書省校書郎姚頴大理寺丞俞澈大理評事  
陳榛都師成考校點檢試卷 九年二月十八日太常

少卿俞端禮言試院全籍門禁嚴密以防姦弊緣監門  
多差監當及在部小官皆得慢易乞自今監門官並差  
六院官及臨安府通判從之 十年三月十九日兩浙  
漕臣言本路合差試官八十二員其間有任滿事故疾  
病替移之人不及所差員數昨淳熙四年江西轉運司

已蒙朝廷許權于本路寄居待闕官內將曾經試中宏  
詞及教官或進士殿試第一甲省試前十名并陞補上  
舍人內選差一次本司今乞于前項寄居待闕官內權  
行選差從之 十一年正月九日命戶部尚書王佐知  
貢舉中書舍人兼侍講王蘭右正言蔣繼同知貢舉監  
察御史朱安國太常少卿王信宗正少卿史彌大秘書  
少監沈揆尚書右司郎中朱時敏宗正寺丞張叔椿秘  
書省著作郎何澹著作佐郎范仲藝並叅詳官太常寺  
丞李嘉言秘書丞黃倫大理寺丞趙善譽趙大猷司農  
寺丞方有開太府寺丞趙鞏敕令所刪定官張濤王三  
恕程宏國國子監丞彭仲剛諸王宮大小學教授梁汝



永國子博士吳叔光太學博士章頤太常主簿謝修軍  
器監丞胡長卿司農寺主簿張遜監都進奏院王厚之  
張伯瑛主管官告院計衡監左藏南庫郭彖並點檢試  
卷監登聞檢院趙善堅大理評事錢宇並差監大門提  
轄權貨務都茶場孫逢辰差監中門大理評事王訢差  
主管牒試避親官監察御史陳賁究別試所考試官大  
理司直鄭湜校書郎奚商衡太常博士倪思太學博士  
王叔簡並點檢試卷 十三年七月十三日臣僚言切  
見近年諸路州軍科舉轉運司所差考校官以見任官  
不足聽于待闕合格者選差又考校官習詩賦者未必  
熟于聲律苟不參酌于其間所取未必盡應程度故所

差不可不均乞令諸路轉運司凡待闕被差者止令考校不與出題其有學生就試者試官自陳迴避如或隱而不言後因事發覺重寘典憲從之 二十一日福建路轉運副使趙彥操轉運判官王師愈言竊見福州每歲就試之士不下萬四五千而考試官止差十員建寧府亦不下萬餘人而考試官止差八員且以建寧府計之通三場則三萬三千卷分之八房每房皆四千八百餘卷在法不滿三百人試官二員每添五百人添官一員包于福州添試官三員建寧府添試官二員庶幾稍分其勞不至以繁冗失士從之 八月五日臣僚言向來解試不差學官豈不以月書季考習熟其文去取

高下之間雖未必容私是非衆多之口然易以興謗與  
其決去防閑欲使人各自盡其公心孰若防閑具存能  
使人不得議其私意目今科場差官在即乞依舊例免  
差學官非特釋舉子之疑亦是弭學者之謗從之 十  
二日臣僚言乞自今監學首試差官以至諸路州軍科  
舉並須酌量經義詩賦兩科就試人數均差治經人專  
考經義習詩賦人專考詩賦若文卷多寡不等即以論  
策通融恭酌仍乞令兩淮及其餘遠小州郡若士人稀  
少去處亦須至本月末方許開院人數稍多即量與展  
日庶幾差擇精詳鑒裁加審不失國家設科務在得人  
之本意從之 十四年正月二十日命翰林學士知制

誥兼侍講兼脩國史洪邁知貢舉權刑部尚書兼侍講  
魚太子詹事葛邲右諫議大夫陳賁同知貢舉監察御  
史吳傳古秘書監兼太子左諭德國史院編修官沈揆  
太常少卿朱時敏左司郎中兼太子侍讀楊萬年樞密  
院檢詳諸房文字兼國史院編脩官范仲藝吏部員外  
郎石起宗尚書考功員外郎鄭汝諧秘書省著作郎兼  
權全部郎官黃倫著作佐郎兼權兵部郎官梁汝永知  
太宗丞兼權刑部郎官李詳並叅詳官宗正寺丞宗之  
端秘書丞謝修太府寺丞劉崇之大理寺丞謝深甫秘  
書郎倪思太常博士黃黼樞密院編修官張濤詳定一  
司敕令所刑定官鄭澍馮震武沈清臣王齊興秘書省

著作佐郎兼魏憲王府教授黃唐諸王宮大小學教  
授或履大理評事陳杞秘書省校書郎鄧明將作監丞  
王厚之太社令趙伯成主管官告院曾三復提轄行在  
雜買場雜賣場霍麓幹辦行在諸司審計司周暉孫逢  
吉提轄行在左藏庫李知己主管尚書禮兵部架閣文  
字毛憲主管尚書刑工部架閣文字沈有朋並點檢試  
卷中書門下省檢正諸房公事兼國史院編修官兼太  
子侍講尤袤差別試所考試太常寺主簿林大中宗正  
寺簿許及之監行在左藏西上庫段世監行在草料場  
陳采儀並差點檢試卷 六月一日銓試公試命吏部  
郎中石起宗刑部郎官呂公進並考試太常博士黃黼

大理評事錢宇陳杞高詠之並黜檢試卷

十一月二

十五日**右**正言黃倫言國家以文章取士莫盛于進士之一科名公鉅卿項背相望比年以來文風不振士氣卑冗為學者不根于經籍從政者罕議乎教化故文章萎靡詐偽日滋選用之際常患才難豈非積習使然耶唐室中葉文尚偶儷破碎大道韓愈以六經之文為諸儒倡然後一變而為純粹本朝嘉祐中劉幾倡為怪僻之文士子翕然倣之歐陽修適知貢舉痛加排斥然後文體復歸于正厥今韋布之士數千萬輩求售有司莫不以文藝相高取其中的者以為程式彼司文柄者縱未得人人如韓愈歐陽修亦宜妙極一時之選近年往

往推擇不精所取之士不厭人意有司不明誠或有之  
臣嘗推原其弊其一起于朝廷以考校之官應副人情  
其一起于朝廷以親戚就試而海行開具以聽御筆點  
差以副人情則不問其能否而惟視其厚薄每行開具  
則莫知其底裏而惟付之于幸不幸此有司所以多不  
得人也今來省試在近加以覃恩免解而來者甚多尤  
非常年之比乞預詔大臣精加選擇勿以人情之故而  
為場屋之害其或不免于開具亦不多其數而具其所  
可具者以脩採擇如或老或病雖登科碌碌無聞勿以  
充數從之  紹熙元年正月二十四日命樞吏部尚書  
鄭僑知貢舉右諫議大夫何澹權吏部侍郎陳騭同知

貢舉太常少卿邱宙戶部郎官謝源明謝深甫將作少  
監魚直學士院倪思宗正丞張濟大宗正丞邵驥秘書  
丞黃文秘書省著作郎鄧駟著作佐郎衛湮黃由叅詳  
司農寺丞孫逢吉太府寺丞曾三復秘書郎李寅仲樞  
密院編脩官陳士楚校書郎王叔簡國子監丞虞儔杞  
書省正書石宗昭太常寺主簿徐楙宗正寺主簿鄭公  
顯國子監主簿閻丘泳監登聞檢院黃灝監都進奏院  
李謙主管官告院孟浩幹辦諸司審計司何異幹辦諸  
軍審計司俞言幹辦諸軍審計司祝禹圭主管吏部架  
閣文字呂宗孟主管刑工部架閣文字李大異國子監  
書庫官方建堅朝奉郎王源奉議郎彭龜年彭寅宣教



教郎陳棟點檢試卷別試所監察御史林大中考試考  
功郎中樓鑰太常博士汪遠樞院編修官李沐司農  
寺主簿李唐卿點檢試卷 六月十日銓試命大理少  
卿呂公進考功郎中樓鑰考試大理寺丞許岱大理評  
事馬諤之沈宗淵太學博士沈有開太學正田澹考校  
十三日詔幹辦諸軍審計院俞豐差充類試封彌官  
兼監謄錄官其先差姜堯章却令出院以臣僚言太學  
補試周賦魁爭訟事送有司勘鞠聞者怪駭此弊起于  
封彌謄錄之不謹乞于六院四轄及在京局務官內選  
差有風力之人充滋吏姦故有是命 三年六月十八  
日詔諸路轉運司考試官並須依公選差毋得聽受請

託容其有所避就及諸州試院封彌官專差幕職官一員其對讀官亦差粗識文理者為之以臣僚言州郡待試官之禮厚薄不同嗜利之人計囑漕臣乞差優厚去處知彼州所得之薄則妄中有親戚就試以避之漕臣迫于請託未免曲從封彌官不得其人則吏因緣為姦取受情囑毀匿有召士人文卷對讀官全不曉文理則程文之詳贍者或為謄錄人節畧首尾以至見點正緣州郡所差官不過丞簿監當素不經歷又無事權不能檢束吏姦遂使士人優長之文暗遭毀棄故有是命八月三日禮部侍郎倪思言太學解試考官選自朝廷無事闕防惟是外處考官所差未必一一得人其怠惰

者厭文卷之多其輕率者有忽畧之意至有謾取數卷應數其餘或不加點抹或無批一兩字于卷首而初未嘗過目者士子程文或不幸而遭之雖是優長不免黜落又有考官入院之後偶爾病患雖欲考校力所不及而同時考官不肯為之分考則分一房之卷亦將平沉至于去取之際執私占吝不通融或一房之中合格者多不容兼取或全無文字堅欲取之則是士子程文去取不係工拙特出于幸不幸耳凡此等弊皆不可不革者也乞下諸處試院命考官精加考校雖是落卷必須批抹所以落之之由其試官入院萬一果有病患考校力所不及則令監試隨宜分與眾考官均考至于所

取合格卷子亦令公心商議務相通融不得徇私如此則前獎庶乎其可革矣從之 四年正月十日監察御史曾三復言太學解試不差學官蓋員數不多易為融那若省試乃合諸路進士考試官不下四五十員若不差學官安所遴選且學官無非朝廷擢用之人其選素精倘于考核之際不務為國檢材而尚徇私情則豈但不可為省試考官而已況前此固有遍省試之期方選為學官而不差者又有數日之間偶移他職而被差者何其乍公乍私之異也乞明詔大臣畧去嫌疑不必徇泥不差學官之說如差照檢試卷官則乞多選去科場未甚久者庶得省記近時舉子之文可以革廣場踴襲

之弊從之 二十四日命吏部尚書趙汝愚知貢舉給事中黃裳左司諫胡瑒同知貢舉度支員外郎王厚之將作少監黃文監察御史汪義端太常丞李謙宗正丞鄭公顯秘書省著作佐郎沈有開司農寺丞彭龜年秘書省著作佐郎李唐卿叅詳大理寺丞彭演秘書省秘書郎范仲黼太常博士陳棟諸王宮大小學教授楊大法秘書省正字蔡幼學宗正寺主簿李景和監登聞檢院楊大全幹辦行在諸軍審計司范蓀太學博士邵康曾秘太社令陳峴國子監主簿王源將作監主簿李大異國子正田澹太學正顏棫國子錄陳邕太學錄雷孝友奉議郎吳獵主管尚書戶部架閣文字孫元卿從事

郎蘇大仕點檢試卷別試所秘書省著作郎黃由考試  
太府寺丞程九萬秘書省校書郎王爽太常寺主簿張  
貴謨軍器主簿曾三聘點檢試卷 六月初十日銓試

命吏部郎中林湜度支郎中沈樞考試秘書省著作佐  
郎王容大理評事錢華黃培陳景俊大理寺主簿王寧  
考校 慶元二年正月二十四日命禮部侍郎木待問  
知貢舉起居郎王容右正言施康年同知貢舉樞密院  
檢詳諸房文字宇文紹節倉部郎中孟綸監察御史鄧  
友龍宗正丞兼金部郎官張布著作郎兼考功郎官蕭  
遼大理寺丞汪文振胡元衡秘書郎陸峻叅詳司農寺  
丞盛庶太府寺丞趙夢極國子監丞朱欽則秘書省校

書郎周夢詳太常寺主簿葉宗魯大理寺主簿張訴監  
登聞檢院鍾將之監都進奏院曹槐主管官告院黃景  
說幹辦諸司審計司陳鑄幹辦諸軍審計司林行可幹  
辦諸糧料院葉時武學博士朱質國子監主簿談鑄大  
理評事李夔卿提轄文思院黃謙主管吏部架閣文字  
顧杞主管戶部架閣文字黃樵主管禮兵部架閣文字  
王庭之監榷貨務都茶場尚朴點檢試卷避親別試禮  
部司外郎顏棫考試司農寺丞余崇龜提轄榷貨務都  
茶房華嶸國子監書庫官高文善點檢試卷 二十五  
日命吏部尚書葉翦知貢舉吏部侍郎倪思右諫議大  
夫劉德秀同知貢舉左司郎中張濤國子司業高文虎

吏部郎中鄭公顯吏部郎官張貴謨吏部員外郎官衛  
涇監察御史胡紉姚愈著作郎王爽著作郎魚司封郎  
官顏斌著作佐郎兼刑部郎官李瑩恭詳大宗正丞范  
孫大理正羅克開大理寺丞陳樸宗思遠司農寺丞楊  
大全秘書郎費士寅太常博士劉誠之樞密院編修官  
陳廣壽秘書省校書郎余復陳峴太常寺主簿張經大  
理寺主簿陳希點主管官告院黃聞幹辦諸司審計司  
商飛卿幹辦諸司糧料院周年太學博士沈繼祖國子  
正曾漸武學諭楊寅國子錄潘友端太學錄陳暉主管  
戶部架閣文字吳仁傑主管禮兵部架閣文字王申主  
管刑工部架閣文字鍾必萬監左藏封樁下庫葉挺點



檢試卷避親別試宗正丞兼倉部郎官雷孝友考試太  
府寺丞傅伯成國子博士陳宗召宗正寺主簿楊克忠  
太學正易被黜檢試卷 六月十日銓試命樞密院檢  
詳諸房文字張貴謨刑部員外郎朱翺考試大理寺丞  
宋思遠李珏樞密院編修官陳廣壽大理評事吳士遜  
太學博士俞烈考試 同日銓試命禮部員外郎顏棫  
刑部郎官陳景俊考試大理正宋思遠司農寺丞盛庶  
大理寺丞却哀大理寺主簿陳鑄大理評事史淵考試  
慶元四年三月二十五日臣僚言國家三歲大比賓  
興賢能異時公卿大夫皆繇此塗出苟不正其始于有  
司文衡者泛焉無擇使得以異端邪說鼓倡于其間一

且入仕其愚有不可勝言比年以來偽學相師敗亂風俗所賴聖明力挽狂瀾一歸于正學校文詞之體官吏薦舉之式閔防曲盡然士風已正而異端邪說之弗戒則足以害至治科場文之官寔司進退予奪之柄倘或不知所擇使偽學之徒復得肆其險詖之說則利祿所在人誰不從必至疑誤學者乞頒詔旨將來科場諸路運司須管精擇議論正平委非偽學之人充諸州軍考試官仍開名銜照應舉格式如涉偽學甘寘典憲申尚書省御史臺照會此去科場不遠乞下諸路漕臣預先體訪所屬合差試官之人究見是與不是偽學的寔庶幾臨期差撥不至抵牾從之 五年正月十九日臣

僚言諸郡與漕關考官必差一員為點檢主文凡命題與所取程文皆經點檢以防謬誤比年以來徒為具文一時考官各騁己意異論紛然甲可乙否以致題目多有乖謬去歲秋舉諸州所申義題或失之牽強文理間斷而不相續或失之鹵莽文理齟齬而不相類賦題論題或失之破碎文理扞格而不相貫以至策問專肆臆說援引失當皆由點檢官不擇才望之士考官中有矜能挾氣者不同心商確故有題目出于一人之見其他官旁睨不欲指其疵類及有摘發其失出題之官獨被譴責而無點檢之名乞今後漕臣若非由科第即別委本路提刑提舉總領有出身者每舉從朝廷專委一司

選差試官須擇其素有文聲名望士論所推者充點檢  
官專以文柄責之諸考官先供上題目點檢官斟酌審  
訂擇其當理而不悖古訓兼通時務者然後用之及考  
官所取合格試卷點檢官仍加詳校公定去留禮部俟  
其中到題目及程文再行點檢如有乖謬將點檢官重  
行黜責從之 正月二十五日命權禮部尚書黃由知  
貢舉吏部侍郎胡紘侍御史劉三傑同知貢舉太府卿  
楊王休大理少卿趙介禮部員外郎陳讜監察御史程  
松太常丞李景和宗正丞孟必先大理正奚士遜秘書  
郎易祓叅詳太常博士鍾必萬諸王宮大小學教授許  
開秘書省校書郎李稟宗正寺主簿王輝監登聞鼓院

趙夢極主管官告院徐似道汪文振幹辦諸司審計司  
余崇龜太學博士蕭達武學博士高似孫國子監主簿  
楊濟軍器監主簿俞亨宗朝奉大夫林采國子正王己  
太學正陳晦國子錄胡元衡主管禮兵部架閣大字王  
克勤文林郎馬惟和監文思院朱慶弼監左藏西庫朱  
茂良點檢試卷避親別試樞密院檢詳諸房文字汪義  
和考試秘書郎毛憲國子監丞王聞幹辦諸司糧料院  
朱欽則主管戶部架閣文字留駿點檢試卷 六月十  
日銓試命刑部郎官王補之禮部員外郎陳謙考試大  
理寺丞蔣簡太府寺丞楊潛大理評事史彭祖翁潁主  
管吏部架閣文字張嗣古考校 嘉泰元年二月二十

二十二日知滁州許與言三歲科舉至重事也乃者諸  
路所差考官或非其人命題乖張考文紕繆或章句之  
不相屬或援引之非所宜經義至失本旨詩賦至失音  
韻朝廷固嘗小懲之矣今科詔既頒而差考官一節其  
可不申嚴乎夫經義詩賦各從其習故習經義者聲律  
之不知猶習詩賦者不明經旨也今而強之使參考幾  
何其不失所耶乞敕諸路漕司今歲所差考試官一則  
審覈其人之真偽擇端正而不墮浮靡者以充考校次  
則稽考逐官腳色量逐州合差官之數其詩賦多而經  
義少則以三分為率一分治經義官二分詩賦官俾專  
攻之若經義多而詩賦少所差亦然庶幾各效所長取

予精當從之 三月二十九日臣僚言士子程文不通  
三場而其定去留者多在經義詩賦然此二者罕能兼  
通今之學官即向時之生員今之考官即向時之舉子  
未有以經義登科之後復習詩賦未有以詩賦進身之  
後復習經義昨來太學補試有取魁賦而重疊用韻及  
落官韵者此攷官不習詩賦之病前舉諸州解試有出  
經題而本文不相連屬者有不應作題目而出為題者  
此試官不習經義之病且以今日學官言之監學官十  
餘員而習詩賦者終一二人又諸路鄉舉多是提舉學  
事司臨時差官應數奚暇選擇乞今後差國子監太學  
官宜照各人先來所習為之均差自今歲始所差上舍

試及發解試官並參照所習分令均平並下諸路漕司  
制置司依此參照均差仍開具試官所習申省部照會  
從之 十二月四日臣僚言竊惟國家設貢舉之科重  
考官之選以求真才寔能法至要也士群試于有司經  
義詩賦各分所長而考官之通于詩賦者未必通于經  
專于一經者于他經或不能以通習今使之兼任考核  
而欲其精于去取不亦難乎曩者議臣嘗欲均差經義  
詩賦之人其說固已施行矣使登第者衆固可選擇若  
其稍闊則均差之說將何所施大郡考官員多或可通  
融若小郡員少則均差之說亦將安取臣竊謂均差既  
非通論兼習又難其人莫若分遣諸郡教官或可任責



蓋為教官者非殿省試之前列即學校之上游其他或以腹歷得之亦皆當世之名彦況郡有月試經義詩賦考校既熟鑒裁必精乞較諸路漕臣自來歲大比為始郡無大小必差教官一人專主文衡而他官則參預考校令禮部看詳本部言國子監集學官聚議科舉選差教官合以經義詩賦兼通之人專主文衡欲每處必差教授一人委是允當但照得諸路漕司選差考官多以本司場屋為重若以教官盡分諸郡則漕司必致關人今欲于諸路幹官及諸州職官內有前名登第或試中教官之人與諸州教授通融選擇仍于差帖內帶兼檢點試卷則場屋之人事體歸一從之

四年三月二十

八月兩浙轉運司言向來科舉年分本司未建試院之時旋于餘杭門外僻截香積化度寺權充試院後來本司慮恐騷擾寺院科差人匠借索什物遂踏逐江漲橋之北空閑地段建成試院脩辦但干什物動使等逐舉引試委是利便絕無毫髮科擾近本司奏請乞將礙格不礙格人令主文三場各自命題可革假手之弊又因臣僚奏請乞將礙格不礙格人倣太學私試分廊之法國子監勘當却將礙格不礙格人于此近去處分作兩院同日引試竊詳試院之側皆居民屋宇別無空閑之處可分兩院縱分兩院必須增差監試簾裏外一行官吏添置合用什物等種種非使所費竹木蘆席不止此

況近日府城居民遭火延燒官舍本司見行分頭蓋造  
出自開少豈有餘力可以陽截試院今欲將礙格不礙  
格人且與分廊各自出題引試詔令本司將試院措置  
擬截作處引試每致交互仍各出題目更不增置試官  
開禧元年正月十九日臣僚言進士一科寔為至公  
之選比年以來士大夫盡公者鮮科舉之弊日滋或先  
與試題或私為暗號殊不知科第前列與中選之人異  
時朝廷往往擢用乃以計較得此何理哉臣頃歲再叨  
學官比者充員後省脩見本末敢以一二弊陳之其一  
如公試上舍試銓試之類皆循舊例不置別試所間有  
合避親試卷止是避房往往並在收取之列其初不願

嫌疑繼之遂成私曲臣謂莫若于公試銓試上舍試仍  
置主管避親官不置別試所俾之牒試以示至公如是  
省試年分即分別試所有孤經令改經就試數內上舍  
試人數不多或恐多是孤經而試官員數亦少若于百  
執事內選其無親戚在內舍者委以考校于理勢尤便  
其二則省試違例有諸房旁通考校圖分與諸試官每  
遇卷子入院分散諸房考校謂如第一場在某房第二  
第三場在某房披圖可見以此試官之挾私者便于尋  
索公然較計取其私黨莫若于省試卷子在簾裏之日  
委與知舉分俵諸房考校然後來上所有旁通考校圖  
但置知舉房中以俟穿卷奏號更不付之諸房如此則

試官狹私者不知卷子在是何房分又不可明言尋索則姦弊自然銷弭其三則太學私試以每月試中分數理為校定將來可以免省事體非輕然自長貳博士正錄丞簿下暨吏人皆與諸生相接曩者以公存心自得其平比歲私取之謗動輒騰沸臣謂太學內舍校定當以公試上舍試為上而以私試次之凡公試上舍試不中選者雖是私試中選亦不得預校定之數更不拘較到本年分數若干自開禧元年為始每歲止校定內舍優等一名但以諸生公試或上舍試已中而私試又中分數最多者置在優選仍以公試或上舍試合理三分者壓私試四分配比較餘照見行條法施行如此則歲終

校定皆得公試上舍試中選之人寔為公當而私試公  
數止可湊數收使于禮為順詔令禮部契勘聞奏既而  
本部言據國子博士趙欽全等看詳累舉體例省試四  
川類試太學諸路解試並皆置別試院所以杜絕親故  
私取之弊法意已詳獨銓試公試上舍試凡有親戚止  
是避房不令別試雜以他卷謂之裏送其間豈無私嫌  
今令別試避親寔可以彌革其弊其省試人多使就別  
院其上舍試緣赴試少差無親嫌官考校委得允當但  
公試一節如遇省試年分係差試官及簾外等官共四  
十餘員避親人數稍多即令別院收試臨時照人數多  
少申朝廷分等取放如不係省試年分公試領院試官

止有八人避親人數必少竊恐取放不行難為分等乞  
于無省試年分公試上舍試差官體例取索在朝官與  
太學在籍生員無親嫌官考校方充試官其省試年分  
却令避親人就試別院庶得公當宗室有試人數不多  
其避親一節欲照紹熙四年省試及逐舉解試體例並  
發過別院收試庶于別院差考官數少免避親嫌疑大  
全等照對三場取士正欲士人各盡所長自當三場分  
考以見優劣知舉按圖穿卷以定去取若今諸房各有  
旁通圖恐有計會互批之弊臣僚所請委是先當大全  
等照對臣僚奏請太學內舍校定分数及內舍生如遇  
上舍試公試年分私試分数止可以湊數收使委可施

行但每歲內舍校定分優平二等共校十人以當年公試私試或上舍試分数同湊今來既只用上舍試公試分数緣從來公試內舍外舍生通同混試往往內舍取人不多謂如慶元六年公試止有內舍生六人合格嘉定元年公試止有內舍生四人合格今若依舊混試竊恐當來校定必不及十名之數今乞將內舍生另項考校以十分為率所取不得過二分半仍定取二名入第二等取四五名入第三等餘合格人並入第四等衆同參入公試大榜取放外有當年新陞補人既無公試分数難以一年不令就試趕趁校定乞令赴私試如有分数從臣僚所請內舍公試三分壓私試四分其新補



人有四分却在公試三分之下如遇已十分校定次年仍舊以公試式校定從之二十五日臣僚言知舉雖恭以諫官當付之以糾察之任不必與議論去取于其間庶幾權尊而勢一人亦無得而議詔更差同知貢舉一員是日命禮部尚書蕭遼知貢舉中書舍人陸垵右諫議大夫李大異禮部侍郎兼直學士院李壁同知貢舉太常少卿陳樸秘書少監陳峴左司郎中雷孝友吏部郎中汪文振趙夢極著作郎鄒應龍秘書郎葉時著作佐郎朱質恭詳太府寺丞陳嘉猷太常博士蘇士能樞密院編修官卓洵商許國子監丞留駿將作監丞莫若冲秘書省校書郎張從祖許奕秘書省正字蘇大

璋太常寺主簿高文善宗正寺主簿常褚太府寺主簿  
黃疇若主管官告院晁伯談幹辦諸司審計司喬夢符  
幹辦諸軍糧料院程卓藉田令余燦國子監主簿范子  
長主管禮兵部架閣文字唐吉先主管刑工部架閣文  
字陳振熙檢試卷避親別試監察御史徐枬監試右司  
員外郎陳希點考試秘書丞兼考功郎官黃景說秘書  
郎陳晦監登聞檢院魯玕幹辦諸司糧料院莊夏點檢  
試卷 六月十日銓試命禮部員外郎徐似道大理正  
薛極考試著作郎曾從龍國子監丞范子長大理評事  
史復祖林大璋蔣誼考校 三年六月二十九日臣僚  
言科舉之弊如漕司差考試官不可不革詔令禮部同

國子監看詳照得漕司差考官惧其泄而容私也乃不  
明示以某州特給付字號俾于所經由州郡對同其字  
號則窮書填以防更姦似可革弊而州郡例于前期差  
監門官以漕司所給字號畀之俟其對同彼監門率小  
官下吏寡以廉恥自將所給字號又為高貲者得之前  
途伺候以行私囑又不容革矣臣謂欲革私託之弊莫  
若以漕司所給字號付之監試監試非通守則漕屬官  
其官稍高則自愛稍切對同字號之法庶不至漏泄而  
其弊去矣今看詳委是利便但所買字號之弊不獨在  
逐州監門其原在于發號之時關防不密致吏輩漏泄  
作弊乞下諸路轉運司遇差試官發號之日漕臣同屬

官躬親差排分数不得令吏人干預仍立隔眼疾速牒  
本州守臣收管亦不得入吏輩之手可稍革買解之  
弊乞行下遵守施行從之 嘉定元年六月十日銓試  
命禮部員外郎陳晦刑部員外郎薛極考試秘書省校  
書郎陸峻秘書省正字陳模大理評事李夔卿趙懋夫  
留晉考核 三年四月二十四日臣僚言三歲大比弊  
端不一漕司所差考試多是寄居待闈官而見任有出  
身人或無勢援處以簾外職事以至寄居待闈被差  
者本貫相去不遠率多私囑之弊每一揭榜不能免人  
之議州縣創添寄居考官一員則有一員人從批券及  
應辦諸費而寄居待闈扶勢求差者諸郡考官員數有

限豈能徧及乞下諸路轉運司所差諸郡考試官刷其  
見任內有出身官盡數從公差委如或久少一二員許  
量展揭榜日子令盡心考校亦不至闕誤外有寄居待  
闈並不許差充試官庶可以得寔才其有違戾者令臺  
諫覺察重寘于罰從之 四年正月十九日權禮部尚  
書章穎言比年以來每遇出勅宣差省試官自早至暮  
至者不齊以致宮殿門閉不可入殿受勅乃望拜于皇  
城門之外遇雨則拜于漏舍之前甚非所以重貢舉尊  
王命也蓋由宣押之際賓客及門不容排遣遂致日晚  
秉燭入院人從喧雜夜半乃定尤費閑防乞凡當差官  
自正月二十一日以後並不許出謁受謁至鎖院日宣

喚及門即時上馬前赴殿門以候班齊而入仍乞內侍  
省是日早發差官姓名并勅牒戒諭快行所至催督不  
令稽緩庶幾不至昏暮紛擾之患從之 六月十日銓  
試命著作郎兼都官郎官任希夷大理寺丞鮑澣之考  
試太學正宣繒大理評事趙時適江模任永年幹辦諸  
軍審計司楊宜中考校 五年六月二十八日銓試命  
兵部員外郎何郊大理寺丞費埏考試秘書省正字孫  
德興主管戶部架閣文字楊宏中大大理評事趙舉夫安  
伯起趙立夫考核 六年十月二十六日禮部侍郎范  
之柔言臣今歲科舉輔郡試官有昏耄不能視閱卷子  
至今書吏讀而卧聽竊詳銓法年六十不許注縣與尉

蓋恐精力不逮況于校文去取豈容昏耄倫數自今年  
六十以上不許差充試官如所差不及累舉之數則以  
卷子多寡組算辰日放榜却以空員供給均補考官經  
義詞賦不同其習節次臣僚申嚴分經考校之令可謂  
允合人情今歲科場考官仍有混考經義詩賦者則是  
不遵指揮乞下諸路轉運司今後試官須將經義詩賦  
人分經考校或有違背將監試并本房試官從漕臣聞  
奏醵責如漕臣不覺察許御史臺彈劾從之 九年六  
月二十四日右諫議大夫應武言臣竊聞四川類省試  
有考官徇私納賄去取不公預選之人不協輿論固當  
奏罷矣近年所聞或謂徇私之弊已久朝廷不能盡知

蓋監試一員考試一員係朝廷勅差外自餘考試點檢  
試卷官並令制置司自行選差近有有勢力者于差官  
之前先事請託或立暗號或求題目或私付文字于考  
官點檢官內多所請囑雖封彌謄錄而寔知其姓名雖  
文理踈謬而曲為之拔拭方其未揭榜之前某人為某  
人所厚某人為某人所主士子相與指目逮至揭榜悉  
如所言又聞勅差考官與制置司所差考官各稱職事  
既同勢不相統監試官雖許抽摘試定然一人之力不  
能遍周既不足以禁考官之私且考試官或係本路知  
州而本路監司乃為監試則考官限于職守之相臨又  
不足以止監司之私由是蜀士抑鬱無訴乞將考試官



員數盡從朝廷選差或將所差考官一員別立名稱同  
監試遍閱諸房卷子或差東南人充監試或監不係監  
試官所部知州充考官其被差者不必專取文詞之人  
惟以公心取士為主嚴行戒飭從之 十年六月二十  
五日銓試命秘書丞棲觀大理寺丞沈鐸考試大學錄  
徐鳳主管三省樞密院架閣文字何郊大理評事蔣誼  
鄭定更改之考校 十一年十月四日臣僚言竊見昨  
來朝廷凡遇差官考校頗費選擇乞詔二三大臣博求  
科第碩望學問器識食論推重布列班著以備考官之  
選從之 十二年十二月九日臣僚言歲當大比試于  
春官知舉主文衡叅詳審當否至于考校之初去取之

青寔由點檢試卷官每舉例選二十員考卷一月甫能竣事脫有病者又難分考莫若就點檢官內添一二員俾我能勝大文不我官都有照得近來宗子到省人數倍于常舉其點檢試卷官若仍舊止差二十員竊慮考校不精詔更添置點檢試卷官二員專一考校宗子試卷 十三年七月二十五日銓試命金部郎官龔蓋卿大理寺丞趙善璫考試太常寺主簿黃灝籍田令鍾震大理評事史湜刑近趙汝擇點檢試卷 十五年十一月二十九日臣僚言證得宗子省試添差點檢試卷官二員專一考校務欲精切竊詳宗子係二月九日引試十一日方得考校至二十七日攬號計得十七日且以

應舉銷廳取應言之共計一千二百七十四人合賦  
論策計之則有三十四百九十四卷內取應三百二十  
八人兩場試官二員品搭分房各當一千七百四十七  
卷若賦論日考百卷尚可僅了所分之數若經義并策  
窮日之力可考五十來卷十七日內不過八百五十卷  
則尚有未考九百餘卷推原其故自二十五日入院半  
月方引宗子試前既空閑自然擁併在後欲將宗子考  
官二員添入省試官內證太武學宮試例同共考校既  
多二員決不匆卒又前來宗子就試別院元差五員今  
遇太院似可減省一員況別院終場以今年論之有一  
百六十四人若只四員儘可從容却以所減撥過太院

添作三員數無增損而考校勞逸却有通融乞賜詳酌  
小貼子若欲宗子專員考校不撥別院試官擬將宗子  
引試趨向初一日以前庶得寬展無先逸後勞之患劉  
付禮部候將來有試年分檢舉施行本部連送國子監  
指定據國子博士葛從龍等申證得省試凡半月方引  
宗子雖專差二員考校至十一日方有卷考拆號既迫  
擁併在後一欲別院減一員撥入太院同共考校一欲  
宗子引試趨向初一日以前一欲宗子試官二員添入  
省試內證太武學試例同共考校竊見三說皆是通融  
但別院試官四員主文一員却有避親并武舉省試宗  
子及太學避親公試題目既多拆號有限恐難減入太

院欲就初一日以前引試緣正月二十五日鎖院收領  
卷子排比座圖恐難趨試內將宗子試官二員添入省  
試官內證太學公試例同共考校委寔可行今欲從所  
陳將考宗子試官同共考省試却于考省試後令諸考  
省試官同考宗子試奏亦無擁併彼此通融勞逸皆等  
可精考校今來寔散免舉既多乞檢慶元二年體例增  
添試官乞指揮施行詔內叅詳官添一員照檢試考官  
添二員對讀官添六員 十六年六月二十五日銓試  
命司封郎官陳貴誼大理寺丞江模考試秘書郎高似  
孫國子監主簿姚子材考試